

26 SEP. 2017



Inatsisartuni ilaasortaq Justus Hansen, Demokraatit

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

**Tasiilami qulimiguullit amigaatigineqartarnerat pillugu § 37 naapertorlugu
apeqquteqaammut nr. 2017-217-imut akissuteqaat**

22-09-2017
Sags nr.: 2017 - 20023
Dok. nr. 23466020

Asasara Justus Hansen

Qulimiguullit amigaatigineqartarnerat pillugu apeqquteqaatinnut 4. september 2017-
imeersumut, Inatsisartut suleriaasiat naapertorlugu nassiussannut qujanaq.
Apeqquteqaat naalakkersuisoqarfinnut akisassanngorlugu innersuunneqarpoq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqutit akineqarnissaanut ilassutissanik Air Greenlandimut piniartoqarpoq.

Apeqqut 1.

**Naalakkersuisut isumaqatiginerlugu, illersorneqarsinnaanngimmat, Tasiilami
helikopterinut pilotimik piffissaq tamakkerlugu najugaqartoqarsinnaanngippat,
ujarlertoqarsinnaanera imaluunniit inunnik qimagussuisoqarsinnaanera pillugit?**

Akissut:

Apeqqut akiniarlugu aallaqqaammut Tasiilami eqqaanilu sullissinerit suut
ingerlanneqarnersut, kiisalu taakkununga suut tunngaviunersut paasiniarneqarnissaa
pingaaruteqarpoq.

Air Greenland ilaasunik angallassinermi kiffartuussinissamut isumaqatigiissut,
Namminersorlutik Oqartussanut isumaqatigiissutaasimasooq tunngavigalugu
qulimiguulimmik Bell 212-imik ataatsimik piffiup eqqaaniitsitaqarpoq. Tassalu
qulimiguullip angallavimmi timmisartuussinissaq pingaarnertut suliasaraa.
Tungaviummik napparsimasunik aallertarnermi sulianilu allani inuunermik
ulorianartorsiortoqartillugu qulimiguulik inuttallu atorineqartarput, naak taamatut
sullissinerimik qulimiguulik upalungaarsimanermut immikkut atugassiaanngikkaluartoq.

Tamatuma saniatigut Kalaallit Nunaanni SAR-imut (search and rescue)
upalungaarsimasooqarpoq, Tasiilamiittuaannanngitsumik. Taamatut immikkut
upalungaarsimaneq isumaqatigiissutitigullu tunngaviumut danskit naalagaaffiannut
isumaqatigiissutaapput. Tassalu akisussaaffeqarfik naalagaaffiup akisussaaffigaa.

Apeqqut 2.

**Qanoq akulikitsigisumik pisarpa, Tasiilami helikopterinut pilotimik
najugaqartoqartannginnera?**

Akissut:

Kiffartuunneqarnissamut isumaqatigiissut naapertorlugu Tasiilami qulimiguulik sapaatip
akunneranut ulluni arfinilinni inuttaqartinneqartarpoq, annerpaamik katillugit
nalunaaquttap akunnerini 46-ni sulisussaasunik, taannalu sapaatip akunneranut
nalunaaquttap akunnerinut 50-inut sivitsuinissamut periarfissaqarpoq. Piloti sapaatit

akunnerannut ataasiarluni ullormi ataatsimi – nalinginnaasumik sapaatikkut – sulinngiffeqartassasoq pilersaarutaasarpoq.

Kiffartuussinissamut isumaqatigiisummi piumasaqaatit malinneqarsinnaatinnagit Naalackersuisoqarfiga Air Greenlandimiit ingerlaavartumik ilisimatinneqartarpoq.

Apeqqu 3.

Naalackersuisut siunissami qanoq iliorniarpat qularnaarumallugu, piffissaq tamakkerlugu helikopterinut pilotimik Tasiilami najugaqartoqartarnissaa?

Akissut:

Pilotit isumalluutaasut annertusitinneqassappata, pilotinut isumalluutit ilaneqarnissaat pisariaqartussaavoq – tassalu pilotimik ataatsimik amerlanerusunilluunniit ilaneqassaaq.

Tunngaviusumik kiffartuussinissamut isumaqatigiissuteqarfanni pilotit isumalluutaasut ilaneqarnissaannik pilersaaruteqartoqanngilaq, Air Greenlandip pisinnaasat isumaqatigiissutaasut immikkoortinneqartullu atorlugit piffimmi pineqartumi angallannermut tunngaviusut naammassisinnaassagai naatsorsuutigineqarmat.

Upalungaarsimaneq eqqarsaatigalugu pisariaqartinneqartutut naliliiffineqassappat, SAR-imut upalungaarsimanermi pilotit isumalluutaasut amerlineqarnissaat danskit naalagaaffiata tulleriiaarinerani salliuutitassatut isumagineqassaaq.

Apeqqu 4.

Naalackersuisut qinnuigineqarput misissoqullugu, allani sumiiffinni avinngarusimasuni helikopterinut pilotimik amigateqartarneq qanoq ajornartorsiutaatiginersoq, akissumillu saqqummiussillutik sumiiffinni ataasiakkaani ajornartorsiutip qanoq ikiorserneqarsinnaaneranut.

Akissut:


Inuttanik atortunillu, Tasiilami kiffartuussinissamut isumaqatigiissuteqarfiusumi pisussaaffinnik naammassinninnissamut pisariaqartinneqartunik atugassaqartitsisoqarpoq; sapaatip akunneranut ulluni arfinilinni, nalunaaquttap akunneri 50-it tikillugit.

Maannarpiq Tasiilami eqqaanilu imaluunniit isorliunerusuni allani kiffartuussinissamut isumaqatigiissutit naapertorlugit pisussaaffinnik naammassinninnissamut qulimiguulinnut pilotinik amigateqarneq ajornartorsiorfiusutut naliliiffineqanngilaq. Kisiannili siunissami taamatut pisoqassagaluarpat, Naalackersuisut sullissisut suleqatigalugit suliap naapertuuttumik aaqqiiffineqarnissaa anguniassavaat.

SAR-imut upalungaarsimanermi pisinnaasat eqqarsaatigalugit apeqqu 3-mut akissut innersuunneqarpoq.

Neriuppunga qulaani allaqqasuni apeqqutitit akineqartut.

Inussiarnersumik inuulluaqqusillunga


Erik Jensen